


集部輯佚文獻彙編

翟金明

主編


國家圖書館出版社

23



集部輯佚文獻彙編

23



中華書局

中華書局

(三國魏)曹植撰

陳思王集十卷附錄一卷
(卷三—十附錄)

明天啓崇禎刻《七十二家集》本

第二十三册目錄

別集(二十三)

三國(五)

陳思王集十卷附錄一卷(卷三—十附錄) (三國魏)曹植撰

卷三		一
卷四		四一
卷五		七三
卷六		一一三
卷七		一四五
卷八		一八五
卷九		二二三
卷十		二五九
附錄		二九三

陳思王集四卷（三國魏）曹植撰

卷一 三一七

卷二 三三七

卷三 三六五

卷四 三八九

陳思王植（三國魏）曹植撰（明）馮惟訥輯 四一五

曹子建集（三國魏）曹植撰 四八五

陳思王集（三國魏）曹植撰（明）葉紹泰輯 五二五

陳思王集卷之三

魏陳思王曹植子建著

樂府

飛龍篇

晨遊泰山雲霧窈窕忽逢二童顏色鮮好乘彼
白鹿手翳芝草我知真人長跪問道西登玉臺
金樓複道授我仙藥神皇所造教我服食還精
補腦壽同金石永世難老

丹霞蔽日行

魏文帝詩曰丹霞蔽日采虹垂天

紂爲昏亂虐殘

一作殘虐

忠正周室何隆一門三聖

牧野致功天亦革命漢祚之興階秦

一作秦階

之衰

雖有南面王道陵夷炎光再幽殄滅無遺

薤露行

樂府解題曰曹植擬薤露行爲天地

天地無窮極陰陽轉相因人居一世間忽若風
吹塵願得展功勤輸力於明君懷此王佐才慷
慨獨不羣鱗介尊神龍走獸宗麒麟蟲獸猶知

德何況於士人。孔氏刪詩書，王業燦已分。騁我
徑寸翰，流藻垂華芬。

惟漢行

魏武帝薤露詩曰：惟漢
二十世所任誠不良。

太極定二儀，清濁始以形。三光炤八極，天道甚
著明。爲人立君長，欲以遂其生。行仁章以瑞，變
故誠驕盈。神高而聽卑，報若響應聲。明主敬細
微，三季膏天經。二皇稱至化，盛哉唐虞庭。禹湯
繼厥德，周亦致太平。在昔懷帝京，目眚不敢寧。

濟濟在公朝萬載馳其名

君子行

文選作古辭

君子防未然不處嫌疑間
瓜田不納履李下不整冠
嫂叔不親授長幼不比肩
勞謙得其柄和光甚獨難
周公下白屋吐哺不及餐
一沐三握髮後世稱聖賢

鰕鮒篇

一曰鰕鮒篇

樂府解題曰曹植擬長歌行爲鰕鮒

鰕鮒游潢潦不知江海流
燕雀戲藩柴安識鴻

遊世士此誠明大德國無儔駕言登五嶽
後小陵丘俯觀上路入勢利惟是謀讐高念皇
家遠懷柔九州撫劍而雷音猛氣縱橫浮汎泊
徒嗷嗷誰知壯士憂

吁嗟篇

選詩拾遺作
瑟調飛蓬篇

樂府解題曰曹植
擬若寒行爲吁嗟

吁嗟此轉蓬居世何獨然長土本根逝宿夜無
休閒東西經七陌南北越九阡卒遇回風起吹
我入雲間自謂終天路忽然下沈泉一作淵驚飈

接我出故歸彼中田當南而更北謂東而反西
宕宕當何依忽亡而復存飄飄周八澤連翩歷
五山流轉無恒處誰知吾苦艱願爲中林草秋
隨野火燔糜滅豈不痛願與根一作株芟連

豫章行二首

樂府解題曰曹植
擬豫章行爲窮達

窮達難豫圖禍福信亦然虞舜不逢堯耕耘處
中田太公未遭文漁釣終一作經渭川不見魯孔

丘窮困陳蔡間周公下白屋天下稱其賢

鴛鴦自朋親不若比翼連他人雖同盟骨肉天性然周公穆康叔管蔡則流言子臧讓千乘季札慕其賢

蒲生行浮萍篇

浮萍寄清水隨風東西流結髮辭嚴親來爲君子仇恪勤在朝夕無端獲罪尤在昔蒙恩惠和樂如瑟琴何意今摧頽曠若商與參茱萸自有芳不若桂與蘭新人雖可愛無若故所懽行雲有反期君恩儻中還慊慊仰天歎愁心將何懣

日月不恒處人生忽若寓悲風來入懷一作惟淚

下如垂露發篋造裳一作新衣裁縫紈與素

篋篋引

樂府作野田黃雀行

樂府解題曰晉樂奏東阿王置酒高殿上然篋篋引亦用此曲

置酒高殿上親友宋書作交從我遊中厨辦豐膳烹

羊宰肥牛秦箏何慷慨齊瑟和且桑陽阿奏竒

舞京洛出名謳樂飲過三爵緩帶傾庶羞王稱

千金壽賓奉萬年酬久要不可忘薄終義所尤

謙謙君子德磬折欲何求驚風飄白日光景馳

西流盛時不可再百年忽我遭生存華屋處
落歸山丘先民誰不死知命復何憂

野田黃雀行

高樹多悲風海水揚其波利劍不在掌結友何
須多不見籬間雀見鷄自投羅羅家得雀喜少
年見雀悲拔劍捎羅網黃雀得飛飛飛摩蒼
天來下謝少年

門有萬里客

門有萬里客問君何鄉人褰裳起從之果得心

所親挽裳對我泣太息前自陳本是朔方士今
爲吳越民行行將復行去去適西秦

泰山梁甫行

樂府解題曰曹植改
泰山梁甫爲八方

八方各異氣千里殊風雨劇哉邊海民寄身於
草墅妻子象禽獸行止依林阻柴門何蕭條狐
兔翔我宇

怨詩行

明月照高樓流光正徘徊上有愁思婦悲歎言

餘哀

解一

借問歎者誰自云宕子妻夫行踰十載

賤妾常獨棲

解二

念君過於渴思君劇於饑君作

高山柏

一作桐

妾爲濁水泥

解三

北風行蕭蕭烈烈

入吾耳心中念故人淚墮不能止

解四

浮沈各異

路會合當何諸願作東北風吹我入君懷

解五

君

懷常不開賤妾當何依恩情中道絕流止任東

西

解六

我欲竟此曲此曲悲且長今日樂相樂別

後莫相忘

七解

怨歌行

伎錄樂府解題皆以爲古辭文章正宗作曹子建

爲君旣不易爲臣良獨難忠信事不顯乃有

又音

見疑患周公佐成王金縢功不刊推心輔王室
二叔反流言待罪居東國泣涕常流連皇靈大
動變震雷風且寒拔樹偃秋稼天威不可干素
服開金縢感悟求其端公旦事旣顯成王乃哀
歎吾欲竟此曲此曲悲且長今日樂相樂別後
莫相忘

輦舞歌五首

序曰漢靈帝西園鼓吹有李堅者能輦舞遭